

Ahm nae comin' back
Fuckin sick ae this crack
Stuck in 'ere wae wee boys grown big
Hawns doon ther drawers, hawdin ther twig
'Ahm a hard man' they scream wae ther eyes
desprit tae keep up ther feeble disguise
Swaggers a plenty, awe exaggerated
Maintain tha' persona, ther fate fated
Real respect is earned never given
Dinnae learn tha an yul staye in prison
Oppurtunity yuv goat tae better yersel
No gonna try? Git used tae tha' cell
Bit dinnae colour ev'rycunt wae tha' same daft pencil
Ther no awe sprayed aff the same daft stencil
A few gid men ave met in this den
Loaked up like animals: loaked in a pen
Goin' insane in these waws an' diddy room
Outside a shud be a shinnin' new groom
Sittin cumfy wae ma darlin' strokin' her hair
Wee bairns runnin' about: awe here; awe there
Ther a life oot ther, tha' a dae know
Four weeks ae summer, forty-eight rain an' snow
Whit a'd gee tae be oot in tha' rain
Cannae believe a ever cawd it a pain
A'd luv tae be oot gittin awe drenched
Enjoy ev'ry minute, ma hawns never clenched
Cannae be arsed wae this shite nae mare
Awe this times gittin real sare
Oot ma barred windae a kin see these trees
Ootgrown the barbed fence an' waws wae ease
Thers no much else a kin see oot ther
Bit it these trees a sit an' a stare
A watch the wind whiz throo ther leaves
They sway to an' fro dain whit they please
Tae saunter throo them an' throo tha' hills
Takin' deep breafs, the warmth an' the chills
A pretend ahm wan ae them
Eyes oan tha world: staunin' tall
Instead ahm wanderin' this dump
Wan daft mistake, a took a fall
A Prophecy tae cum

A wull be released
Tae grab life wae bayff hawns
Ma spirit unleashed
Gonnae make ma ain luck
Like tha four-leafed clover
Fuck yer jail, Fuck yer prison
Ma game is over.
Free like the wind.